

Қорақалпоғистон Республикаси божхона бошқармаси кубоги мусобақаси яқунланди

Image not found or type unknown

26 январь – Ўзбекистон Республикаси Давлат божхона хизмати органлари ходимлари куни муносабати билан ҳудуддаги ҳуқуқни муҳофаза қилувчи органлар ўртасида ташкиллаштирилган мини-футбол бўйича мусобақа ўз ниҳоясига етди.

Нукус шаҳрида жойлашган Болалар ва ўсмирлар спорт мактабида ўтказилган мазкур мусобақада Қорақалпоғистон Республикаси божхона бошқармаси бошлиғи кубоги учун жами 10 та жамоа беллашишди.

Финал босқичига пухта тайёргарлик билан етиб келган Қорақалпоғистон Республикаси Ички ишлар вазирлиги 2-сон тергов ҳибсхонаси ва Қорақалпоғистон Республикаси божхона бошқармаси жамоалари ўз-ара беллашди.

Image not found or type unknown

Жамоалар ўйининг асосий вақтида 3:3 ҳисоб билан дуранг қайд этилган бўлса, пеналтилар сериясида божхоначилар жамоаси 4:5 ҳисоб билан ғолибликни қўлга киритиб, фахрли 1-ўринни эгаллади ва Қорақалпоғистон Республикаси божхона бошқармаси бошлиғи кубоги соҳиби бўлди.

Мусобақада фаол қатнашган жамоа аъзоларига фахрий ёрлиқлар, ғолиб ва совриндорларга диплом ва қимматбаҳо совғалар топширилди.